

〔續日本紀十二〕聖武天平九年十二月丙寅是日皇太夫人藤原氏○聖武生就皇后宮○宮子娘見僧正玄昉法師天皇亦幸皇后宮皇太夫人爲沈幽憂久廢人事自誕天皇未曾相見法師一看惠然開晤至是適與天皇相見天下莫不慶賀

〔大日本史七十六〕文武藤原皇后諱宮子娘○中略生聖武帝○中略聖武帝即位尊曰皇太夫人○中略九年○天十二月皇太夫人就皇后宮見僧玄昉聖武帝亦造焉皇太夫人誕帝之後久不與玄昉相見

沈憂廢事是日一見惠然開晤適與帝相見天下莫不慶賀

○按ズルニ續日本紀ノ舊點ニ自誕天皇未嘗相見法師二看惠然開晤トアルヨリ大日本史ハ是ニ據リテ右ノ如ク記セリサレドコハ誤ニシテ一看ハ看病ノ事ナリ

〔釋氏要覽下〕瞻病制僧祇律云有比丘久病佛因按行見躬與阿難爲洗身及衣囉臥具訖又爲說比丘若欲供養我應供養病人

〔續日本紀十九〕天平勝寶八歲五月丙子勅禪師法榮立性潔持戒第一甚能看病由此請於邊地令侍醫藥太上天皇得驗多數信重過人不用他醫爾其閱水難留戀與晏駕丁丑勅奉爲先帝陛下屈請看病禪師一百二十六人者宜免當戶課役

〔日本後紀二十三〕弘仁三年四月癸卯勅僧尼之制事明令條男女之別非無禮法○中略其病者可就寺治疾及請僧看病者經僧綱若講師聽其處分

〔天台南山無動寺建立和尙傳〕文德天皇天安二年西三條女御嬰重病殆及死門右大臣頻馳書信丁寧被請和尙慈覺大師曰八福田中看病第一結緣之內師檀尤深件閣下身代令度上人一深憑祈念之力當此急難稱守本願不趣彼請一違利生之意一背知恩之旨早可參下矣大師命雖不竟一十二年參於彼殿山々寺々名僧有智有驗僧綱凡僧滿堂溢席側肩促膝和尙不整衣裳只著庵布皆見裝儀之龜簡各懷下劣之思惟和尙謙下不上殿中遙坐廂簷而誦呪未幾呪縛其靈彼此雷同未知誰驗